

14. Mu mambote mama mawonso makavanga, bu katanina Muan'eno, Mpangi'eno, ye Nzonzi'eno, beto Bakongo mfuka yena yeto kua yandi. Beto Bakongo tubindamene vutudila Vital Kamerhe matondo mamingi beni.

15. Kadi Vital Kamerhe wahika Mpangi ya Ne Muanda Nsemi, ye mpe Nkundi wanene wa beto Bakongo, Nkundi wutomene zaya mpasi za beto Bakongo. Kadi bamokinanga zo nkumbu zazingi ye Ne Muanda Nsemi.

16. Lumbu kimosi, Vital Kamerhe wayenda tala Ne Muanda Nsemi ku nzo andi ku Macampagne. Bu bakala mokanga, Vital Kamerhe yandi vo :

«... Vo mono Vital Kamerhe nkitukidi Mfumu Nsi (= Chef de l'Etat), ngeye Ne Muanda Nsemi si wakala Dingisi Diantete (= Premier Ministre), kidivo beto yaku tuasalasana mu vuza kakala diadio dikuamisanga Mpangi zaku Bakongo, mu ntoto mia Bakongo; ye dikuamisanga mpe Mpangi zame Bisi Kivu, mu ntoto mia Bisi Kivu. Kadi mono ye ngeye tuena Bakundi, ye tuena mpe Bansibundu (= des Fédéralistes)...».

17. Lu Bakongo, Mpangi zame l

Lukeba ye bantu bobo beti kuiza tombe mu kulusindisila, kidivo luabela Vital Kamerhe, ye zola Na Mbadio, mpangi ya yawu, mfumu ya yawu.

18. Mambote mavengi Vital Kamerhe kua beto Bakongo ma tutomene zaya. E kansi yandi Na Mbadio, nkia diambu diambote kamene kutuvangila kala beto Bakongo mu zingu kiandi mu tandu kiaki, ovo mu tandu kia Mobutu? Ka lekua kimosi nkutu ko. Idina, lu Bakongo luluenga. Nkutu Zoba, mfuanda yimosi.

NE MUANDA NSEMI

Nlongi'a Kongo
Nkaka Kongo dia Ntotela

Kinshasa, kia 6-8-2011

BDM
BUNDU DIA MAYALA

UN PARTI PAN AFRICANISTE D'AVANT-GARDE

Récépissé N° 24445 du 2 Mars 2009 du Ministère de l'Intérieur

KONGO DIETO 735

B.P. 15.964 Kinshasa I
E-mail : mpungiabdm@yahoo.fr

LE MESSAGE DU GRAND MAITRE

La Déclaration Universelle des Droits de l'Homme reconnaît la liberté de pensée et d'opinion à toute personne, à tout Peuple.

LU BAKONGO LUTOMA WA !

1. KISALU KIA NTUMUA NZAMBI

1. Kia 24-3-1969, Mbuta Kasa Vubu, Ntuadisi wazolakana wa Bakongo, wafua ku Boma. Banata mvumbi andi ku Kinshasa, tekela mu kuenda yo zika ku vata diandi.


2. Lumbu kiokio mu fuku, Ne Muanda Nsemi watambula monameso (= une vision), mu mawu kamona Mbasi ya Nzambi yayiza ye vova kua yandi vo :

«... Va katukidi Nganga, Nganga wuvingananga vo. Idina, Mfumu Nzambi wukusolele, ngeye Ne Muanda Nsemi, mu vuanda va kiandu kisisidi Kasa Vubu, ye kituka Ntuadisi wa Bakongo, ovo Nzonzi yifuate dilanga Bana ba Kongo dia Ntotela mvutu, nuanina mambote mawu, ntoto miawu, lusansu luawu, ye ndinga awu...».

3. Nlembo wumosi ka wulendi sukula zizi kia Kongo nkutu ko. Idina, mu sala kiasalu kiaki kiam'vana Mfumu Nzambi'eto Akongo, Ne Muanda Nsemi wavanga Bundu dia Kongo, i kimvuka kia bantu bakibakala (makesa) bafuate salasana ye yandi mu kiasalu kiaki.

4. Bundu dia Kongo diatelama ye yantika sadila, mu vema ye kikesa, mu tanina Lusansu lua Kongo, ndinga Kikongo, Kinkulu kia Kongo, ntoto mia Bakongo, ye nuanina mambote ma Bakongo.

5. Mingisila miamo mivuaminanga mu kinkole kia Bakongo, mu ntoto mia Bakongo, ka miakala kiese nkutu ko mu mona Kiasalu kiamfunu kiasala Ne Muanda Nsemi, ye Bundu dia Kongo.



NTIMA KONGO DIA NTOLELA
KONGO DIAKATI
LA PARTIE CENTRALE DU ROYAUME DU KONGO
LE KONGO CENTRAL

MBIKUDULU YA MBUTA MBEMBA ZULU

Bana ba Nzatombe bu bana zimbikisa makanda ma bantu mu Nza yamvimba, Ntemo wuna sikimisa makanda ma bantu, ye kienzola Nza, i ku Kongo dia Ntotela wuna tuka, mu ntangu yasila dio Mfumu, Mbuetete ya Nsilulu bu yina kuiza ku Kongo Diakati.

2. VITAL KAMERHE, NKUNDI WANENE WA BAKONGO

6. Bamayala ba Kongo ba mintima miambi bavanga fongo ye mfumu zankaka za Mingisila ku Kinshasa. Mu fongo diawu diadi, bawu bazenga dio mu kangisa Bundu dia Kongo ditaninanga Ntoto mia Bakongo, miazinina Banzenza.

7. Bazenga dio mu kanikina Ne Muanda Nsemi mu kuenda zietenge ku madimba ma nsi ma Kongo Diakati, bimoko biandi ye Bakongo, mu nzietolo zandi, ye Malongi mandi ma Bukongo (= la Sagesse Kongo) ka bidi tatamana sikimisa Bakongo, ye kubazibula meso.

8. Bazenga dio mu tukisa mvita ku Bakongo, vonda bantu, ye tula nsamu wawu va ntu wa Bundu dia Kongo; kidivo babaka totokolo mu kanga Ne Muanda Nsemi, mu kumfila mu boloko, ye kum'vana yimbua (= ndikila, poison) mu boloko.

9. Nsamu wawu bu waluaka ku Lusanga Luansi, Vital Kamerhe, wakala Ntuazi a Lusanga Luansi (= Président de l'Assemblée Nationale) wabisa mu ngolo zazo vo bakanga Ne Muanda Nsemi, ye kum'kotisa boloko dina kum'natina lufua.

10. Luyalu lua nsi yayi luafuema beni, ye vova kua Vital Kamerhe vo : Walemo tambudila mu katula Ne Muanda Nsemi ku Lusanga Luansi, kidivo tuam'kanga ye kum'fila mu boloko, buna ngeye Vital Kamerhe, si wakatulua va kiandu kia Mfumu a Lusanga Luansi.

11. Mpeleko diodio kansi, Vital Kamerhe katambudila dio kaka ko, vo bakanga Ne Muanda Nsemi, ye benda bam'vonda mu boloko.

12. I katula bayiza katula Vital Kamerhe va kiandu kiandi kia kimfumu, kia Ntuazi a Lusanga Luansi, mu diambu dia bisa kukabisa mu yekola Ne Muanda Nsemi, kua bawu bazola dio vo kavondua.

Bu kamona vo bam'katudi va kiandu kia kintuazi kia Lusanga Luansi, Vital Kamerhe wazenga dio mu katuka kuandi mu PPRD, katuka ku nima Kabila, ye vanga Kabu diandi diankaka dimayala.

13. Lu Bakongo, Mpangi zame !

Mono Ne Muanda Nsemi ngiena Muan'eno wazolakana, Mpangi'eno, Nzonzi eno. Vo nateye wunu kiaki mono Muan'eno, Mpangi'eno, Nzonzi'eno, ngiena moyo, i mu diambu dia Vital Kamerhe, wabisa dio vo bankanga, kidivo benda bamvonda mu boloko.